

«*Գրանցված է*»
ՀՀ արդարադատության
նախարարության կողմից
7 նոյեմբերի 2014 թ.
Պետական գրանցման թիվ 11014500

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐ

6 հոկտեմբերի 2014 թ. N 973-Ն

Հ Ր Ա Մ Ա Ն

**ՆԱԽՆԱԿԱՆ ՄԱՍՆԱԳԻՏԱԿԱՆ (ԱՐՀԵՍՏԱԳՈՐԾԱԿԱՆ) ԵՎ ՄԻՋԻՆ
ՄԱՍՆԱԳԻՏԱԿԱՆ ՈՒՍՈՒՄՆԱԿԱՆ ՀԱՍՏԱՏՈՒԹՅԱՆ ՂԵԿԱՎԱՐՄԱՆ
ԻՐԱՎՈՒՆՔ (ՀԱՎԱՍՏԱԳԻՐ) ՍՏԱՆԱԼՈՒ ՆՊԱՏԱԿՈՎ ԴԻՄԱԾ ԱՆՁԻՆ
ՎԵՐԱՊԱՏՐԱՍՏՈՂ ԿԱԶՄԱԿԵՐՊՈՒԹՅԱՆ ԸՆՏՐՈՒԹՅԱՆ (ԵՐԱՇԽԱՎՈՐՄԱՆ) ԵՎ
ԴԻՄԱԾ ԱՆՁԻՆ ՎԵՐԱՊԱՏՐԱՍՏՄԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ**

Հիմք ընդունելով «Նախնական մասնագիտական (արհեստագործական) և միջին մասնագիտական կրթության մասին» Հայաստանի Հանրապետության օրենքի 18.1-րդ հոդվածի 4-րդ և 6-րդ մասերը՝

ՀՐԱՄԱՅՈՒՄ ԵՄ՝

1. Հաստատել «Նախնական մասնագիտական (արհեստագործական) և միջին մասնագիտական ուսումնական հաստատության ղեկավարման իրավունք (հավաստագիր) ստանալու նպատակով վերապատրաստող կազմակերպության ընտրության և դիմած անձին վերապատրաստման կարգը»՝ համաձայն հավելվածի:

2. Հայաստանի Հանրապետության կրթության և գիտության նախարարության աշխատակազմի նախնական (արհեստագործական) և միջին մասնագիտական կրթության վարչությանը ու իրավաբանական վարչության պետին՝ օրենքով սահմանված կարգով հրամանը ներկայացնել Հայաստանի Հանրապետության արդարադատության նախարարություն՝ պետական գրանցման:

3. Սույն հրամանի կատարման հսկողությունը վերապահել նախարարի տեղակալ Մանուկ Մկրտչյանին:

Ա. Աշոտյան

ԿԱՐԳ

**ՀՀ ՆԱԽՆԱԿԱՆ ՄԱՍՆԱԳԻՏԱԿԱՆ (ԱՐՀԵՍՏԱԳՈՐԾԱԿԱՆ) ԵՎ ՄԻՋԻՆ
ՄԱՍՆԱԳԻՏԱԿԱՆ ՈՒՍՈՒՄՆԱԿԱՆ ՀԱՍՏԱՏՈՒԹՅԱՆ ՂԵԿԱՎԱՐՄԱՆ
ԻՐԱՎՈՒՆՔ (ՀԱՎԱՍՏԱԳԻՐ) ՍՏԱՆԱԼՈՒ ԵՎ ՆՊԱՏԱԿՈՎ ՎԵՐԱՊԱՏՐԱՍՏՈՂ
ԿԱԶՄԱԿԵՐՊՈՒԹՅԱՆ ԸՆՏՐՈՒԹՅԱՆ (ԵՐԱՇԽԱՎՈՐՄԱՆ) ԵՎ ԴԻՄԱԾ ԱՆՁԻՆ
ՎԵՐԱՊԱՏՐԱՍՏՄԱՆ**

1. Սույն կարգով կարգավորվում են ՀՀ նախնական մասնագիտական (արհեստագործական) և միջին մասնագիտական ուսումնական հաստատության ղեկավարման իրավունք (Հավաստագիր) ստանալու հավակնություն ունեցող անձանց վերապատրաստման (այսուհետ՝ վերապատրաստում) կազմակերպման և իրականացման հետ կապված փոխհարաբերությունները:

2. Հավաստագրման քննությանը մասնակցելու համար կարող է վերապատրաստվել «Նախնական մասնագիտական (արհեստագործական) և միջին մասնագիտական կրթության մասին» Հայաստանի Հանրապետության օրենքի 18.1-րդ հոդվածի 5-րդ մասի պահանջները բավարարող անձը:

3. Վերապատրաստումը կազմակերպվում է տարեկան մեկ անգամ՝ կրթության պետական կառավարման լիազոր մարմնի (այսուհետ՝ Նախարարություն) ղեկավարի (այսուհետ՝ Նախարար) սահմանած ժամանակացույցին համապատասխան:

4. Վերապատրաստման հարցաշարը հաստատում է Նախարարը:

5. Վերապատրաստող կազմակերպություններն ընտրվում և երաշխավորվում են Նախարարության կողմից, սույն կարգով սահմանված պահանջներին համապատասխան:

6. Նախարարության կողմից վերապատրաստող կազմակերպությունների ընտրության մասին հայտարարությունը պաշտոնապես հրապարակվում է ընտրության անցկացման օրվանից ոչ շուտ, քան մեկ ամիս առաջ: Ընտրությանը մասնակցելու հայտը Նախարարություն է ներկայացվում ընտրության անցկացման օրվանից առնվազն 2 օր առաջ:

7. Վերապատրաստող կազմակերպության ընտրության մասին հայտարարության տեքստում նշվում է.

1) վերապատրաստող կազմակերպությանը ներկայացվող պահանջները.

2) հայտերի ընդունման վայրը, օրը, ժամը:

8. Վերապատրաստող կազմակերպության ընտրությանը կարող են մասնակցել Նախարարի կողմից սահմանված և պաշտոնապես հրապարակված պայմաններին և չափանիշներին բավարարող կազմակերպությունները: Այդ պայմաններն են՝

1) ուսումնական տարածքի և վերապատրաստող համապատասխան մասնագետների առկայությունը,

2) «Նախնական մասնագիտական (արհեստագործական) և միջին մասնագիտական կրթության մասին» Հայաստանի Հանրապետության օրենքի 18.1-րդ հոդվածի 11-րդ մասով սահմանված վերապատրաստող կազմակերպության կողմից

վերապատրաստման բովանդակությանը համապատասխան մշակված ծրագիրը, դասավանդման թեմատիկ պլանավորումը, վերապատրաստման տևողությունը,

3) ուսումնամեթոդական գրականության, ձեռնարկների և նյութատեխնիկական բազայի առկայությունը:

9. Վերապատրաստող կազմակերպության ընտրությունն իրականացնում է Նախարարության կողմից ձևավորված հանձնաժողովը՝ հայտատուների ներկայությամբ: Հանձնաժողովի անդամ չի կարող լինել Վերապատրաստող կազմակերպության հայտ ներկայացրած կազմակերպության ներկայացուցիչը:

10. Նախարարության աշխատակազմը սույն կարգի 6-րդ կետով սահմանված ընտրության արդյունքները հրապարակում է ընտրության անցկացմանը հաջորդող 3 աշխատանքային օրվա ընթացքում:

11. Նախարարության կողմից ընտրված (երաշխավորված) Վերապատրաստող կազմակերպությունը(ները) վերապատրաստում կազմակերպելու մասին հայտարարությունը հրապարակում է(են) Հավաստագրման քննություններից առնվազն մեկ ամիս առաջ՝ Նախարարության պաշտոնական կայքում և առնվազն երեք հազար տպաքանակ ունեցող մամուլի և զանգվածային լրատվության այլ միջոցներով:

12. Վերապատրաստման դասընթացին մասնակցելու դիմումները վերապատրաստող կազմակերպությանն են ներկայացվում հայտարարության հրապարակմանը հաջորդող 20-օրյա ժամկետում: Վերապատրաստման դասընթացը սկսվում է դիմումների ընդունման վերջնաժամկետին հաջորդող 5-օրյա ժամկետում:

13. Վերապատրաստում կազմակերպելու մասին հայտարարության տեքստում նշվում է.

- 1) անձին ներկայացվող պահանջները,
- 2) դիմումի ձևը (Ձև-1),
- 3) դիմումների ընդունման վայրը, օրը, ժամը և վերջնաժամկետը,
- 4) վերապատրաստման դասընթացի տևողությունը և վայրը,
- 5) վերապատրաստման դասընթացի վարձավճարը,
- 6) վճարում կատարելու համար նախատեսված բանկային հաշվեհամարը,
- 7) սույն կարգի 15-րդ կետով սահմանված փաստաթղթերի ցանկը:

14. Վերապատրաստվող անձը (այսուհետ՝ անձը) ազատ է վերապատրաստող կազմակերպության ընտրության հարցում՝ Նախարարության կողմից ընտրված (երաշխավորված) կազմակերպությունների ցանկից:

15. Անձը վերապատրաստող կազմակերպությանը ներկայացնում է.

- 1) դիմում՝ վերապատրաստող կազմակերպության ղեկավարի անունով.
- 2) 3x4 չափսի մեկ լուսանկար.
- 3) բարձրագույն կրթության դիպլոմի պատճենը.
- 4) աշխատանքային գրքույկի պատճենը կամ քաղվածքը.
- 5) անձնագրի պատճենը.

6) մասնագիտական գիտելիքներն ու գործնական կարողությունները հավաստող այլ փաստաթղթեր (գիտական աշխատություններ, հրապարակումներ կամ դրանց ցանկը).

7) վերապատրաստող կազմակերպության հաշվեհամարին փոխանցված գումարի անդորրագիրը:

16. Սույն կարգի 15-րդ կետով նախատեսված փաստաթղթերը ներկայացվում են բնօրինակների հետ միասին: Պատճենների իսկությունը ստուգելուց հետո բնօրինակները վերադարձվում են:

17. Վերապատրաստման ընթացքում անձը կարող է օգտվել օրենքով սահմանված չվճարվող արձակուրդից՝ կողմերի համաձայնությամբ:

18. Վերապատրաստման դիմած անձը կարող է ստանալ դասընթացի մասնակցության մասին տեղեկանք՝ աշխատանքի վայր ներկայացնելու նպատակով:

19. Վերապատրաստման դասընթացը անցկացվում է Նախարարության կողմից հաստատված հարցաշարի բովանդակությանը համապատասխան: Վերապատրաստման դասընթացի թեմաները գրանցվում են դասամատյանում:

20. Վերապատրաստում անցած անձն ստանում է վերապատրաստող կազմակերպության կողմից վավերացված և հաշվառված վկայական, որն ուժի մեջ է տրման օրվանից մեկ տարի ժամկետով:

21. Ուսումնական հաստատության ղեկավարման իրավունքի հավաստագիր ստացած անձը կարող է մինչև հավաստագրի ժամկետի լրանալը դիմել և անցնել սույն կարգով սահմանված վերապատրաստումը:

22. Սույն կարգի 20-րդ կետում նշված վկայականի ձևանմուշը հաստատում է Նախարարը՝ վերապատրաստող կազմակերպության ներկայացմամբ:

23. Վերապատրաստման դասընթացի ընդհանուր ծրագրային ծավալի ուսուցման գործընթացի 1/6-ից ավելի բացակայած անձը չի ստանում համապատասխան վկայական:

24. Սույն կարգի 8-րդ և 19-րդ կետերով սահմանված պայմանների խախտմամբ դասընթացի կազմակերպման դեպքում վերապատրաստվող անձը, հիմնավոր պատճառաբանմամբ, կարող է հրաժարվել դասընթացին մասնակցությունից և ուսուցումը շարունակել սույն կարգի 11-րդ կետով սահմանված կազմակերպություններից մեկում: Այս դեպքում վերապատրաստման համար վճարված գումարը ամբողջությամբ փոխանցվում է նոր ընտրված վերապատրաստող կազմակերպությանը:

25. Վերապատրաստող կազմակերպությունը վերապատրաստման դասընթացի ավարտից հետո 5-օրյա ժամկետում Նախարարություն է ներկայացնում վերապատրաստման վկայական ստացած անձանց ցուցակը, անձնական գործերի, վերապատրաստման վկայականների բաշխման մատյանի և վերապատրաստման դասամատյանի պատճենները, որոնք պահպանվում են Նախարարությունում՝ Հայաստանի Հանրապետության օրենսդրությամբ սահմանված կարգով:

26. Վերապատրաստման դասընթացի համապատասխանությունը սույն կարգի 8-րդ և 19-րդ կետերի պահանջներին կարող է վիճարկվել դատական կարգով:

Հավելված 1
ՀՀ կրթության և գիտության նախարարի
2014 թվականի հոկտեմբերի 6-ի
N 973-Ն հրամանի

Դիմումի

2Ե-1

ՀՀ նախնական մասնագիտական (արհեստագործական) և միջին
մասնագիտական ուսումնական հաստատության ղեկավարման
իրավունք (հավաստագիր) ստանալու նպատակով վերապատրաստում
իրականացնող կազմակերպության ղեկավար

պարոն/տիկին _____-ին

_____ -ից

դիմողի անունը, հայրանունը, ազգանունը

դիմողի հաշվառման վայրը

դիմողի հեռախոսահամարը (աշխ., բնակ.,
բջջ.)

անձնագրի սերիան, համարը, երբ և ում կողմից է
տրվել

Ծնված՝ _____

օրը, ամիսը, տարին, վայրը

Դ Ի Մ ՈՒ Մ

Ծանոթանալով Հայաստանի Հանրապետության նախնական մասնագիտական (արհեստագործական) և միջին մասնագիտական ուսումնական հաստատության ղեկավարման իրավունք (հավաստագիր) ստանալու նպատակով վերապատրաստման դասընթացի կազմակերպման մասին հայտարարությանը՝ խնդրում եմ գրանցել ինձ որպես դասընթացի մասնակից:

1. Քաղաքացիությունը

_____ (Հայաստանի Հանրապետության, իսկ երկրադաքացիության դեպքում՝ նշել կարգավիճակի ստացման ժամկետը և երկիրը)

2. Դատարանի օրինական ուժի մեջ մտած դատավճռի հիման վրա

_____ (դատապարտվել եմ, չեմ դատապարտվել)

3. Սահմանված կարգով չհանված կամ չմարված դատվածություն

_____ (ունեմ, չունեմ)

4. Դատական կարգով անգործունակ կամ սահմանափակ գործունակ

_____ (ճանաչվել եմ, չեմ ճանաչվել)

5. Դատական կարգով մանկավարժական կամ վարչական գործունեությամբ զբաղվելու իրավունքից

_____ (գրկվել եմ, չեմ գրկվել)

6. Մանկավարժական կամ վարչական գործունեության կատարմանը խոչընդոտող հիվանդությամբ _____

_____ (տառապում եմ, չեմ տառապում)

7. Լեզուների իմացությունը

_____ (հայերենի և առնվազն մեկ օտար լեզվի տիրապետման մակարդակները)

8. Համակարգչային գրագիտությունը

_____ (տիրապետման մակարդակը, համակարգչային ծրագրերի իմացությունը)

9. Կից ներկայացնում եմ «Նախնական մասնագիտական (արհեստագործական) և միջին մասնագիտական ուսումնական հաստատության ղեկավարման իրավունք (հավաստագիր) ստանալու նպատակով վերապատրաստման» կարգով սահմանված փաստաթղթերը:

Նախազգուշացված եմ՝ կեղծ տվյալներ և փաստաթղթեր ներկայացնելու համար, սահմանված կարգով պատասխանատվության ենթարկվելու մասին:

Դիմող՝ _____

«___» _____ 20__ թ.